

"Honor to Connor Steelband Extravaganza"

Diabierna awor lo duna homenahe na pionero di steel pan Edgar Connor

ORANJESTAD (AAN): Diamars atardi Sweet Pan Music Productions a presenta un rueda di Prensa na Charlie's Bar and restaurant. Nico Connor hunto cu Charles Brouns di Charlie's Bar, Stanley Dabian di departamento di cultura, DJ Caletto (Ivan Barrera), An-

gel Hazel maestro di Aruba PanMan Foundation na Skol di Arte, y Paula Engelen PR di Sweet Pan Music Productions, a duna informacion riba e evento venidero 'Honor to Connor Steelband Extravaganza'.

Cu hopi entusiasmo y cla pa showcase e artistanan

cu lo duna presentacion y honor na e Pionero number un den musica Steel Pan Sr. Edgar Connor (q.e.p.d.) riba su fecha natal y tambe celebrando Carnaval su di 65 aniversario den cual durante comienso di Carnaval Edgar Connor tabata forma parti.

Nan tur ta kere firme-

mente den mantene e cultura y herencia di musica Steel Pan bibo, creando diferente plataforma pa sigui encurasha otro Steelbands, artistanan di musica Steel Pan aki na Aruba.

Diabierna awor, 18 di Januari 2019 diferente steelband y artista lo participa



na e evento aki manera: The Aruba Invaders, Quiver Quips Steel Orchestra, The Boys Pan Experience, North Stars, Next Generation, studiantenan di Aruba Panman Foundation, Carnaruba cu un Carnival Costume Show, DJ Caletto cu un bon seleccion di musica spinning vinyl records y Mighty Rusty lo presenta un di su hit songs compo- sita pa Antoni Gario dedica na The Panman.

Un invitacion ta bai pa henter Aruba y tambe bishitantenan pa bin disfruta y duna sosten na musica di Steel Pan durante e Honor to Connor Steelband Extravaganza cu ta cuminsa pa 6'or di atardi y lo termina pa 10 di anochi dilanti Charlie's Bar den caya principal (B v/d Veen Zeppenfeld Straat) na San Nicolas.